



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e-mail: info@voda.ba

Broj: **UP-1/21-3-40-409-10/23**
Datum: **29.5.2024. godine**

„Agencija za vodno područje rijeke Save“ Sarajevo rješavajući po zahtjevu pravnog lica „ČIKI company“ d.o.o. Bihać, za izdavanje vodne dozvole za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Pritoka" u naselju Pritoka, Grad Bihać, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. stav (1) Zakona o upravnom postupku („Službene novine Federacije BiH“, broj 2/98, 49/99 i 61/22), donosi:

RJEŠENJE **o vodnoj dozvoli**

1. Pravnom licu, „ČIKI company“ d.o.o. Bihać, daje se vodna dozvola za ispuštanje oborinskih onečišćenih voda i aktivnosti koje mogu imati specifične uticaje na vode prilikom izvođenja aktivnosti na lokaciji kamenoloma "Pritoka", na zemljištu označenom kao k.č. broj 663, 111, 1891, 1287 i 676 K.O. Pritoka, a čije su granice istražnog polja odobrene, pravnom licu IKIĆ COMERC d.o.o. Bihać, Rješenjem Federalnog ministarstva energije, rudarstva i industrije, Up broj: 06-18-47/07 od 23.04.2007. godine, kojim se odobrava površinska eksploatacija industrijske mineralne sirovine krečnjaka na predmetnoj lokaciji, rješenjem o urbanističkoj saglasnosti, pravnom licu Ikić Comerc d.o.o. Bihać, za površinsku eksploataciju mineralne sirovine krečnjaka i postavljanje mobilne separacije i pomoćnih objekata na predmetnoj lokaciji, izdano od strane Federalnog ministarstva prostornog uređenja pod brojem UPI/03-4-23-2-95/06, dana 30.01.2007. godine, u Sarajevu te Ugovora o prenosu Ugovora o koncesiji broj KU 053/2015 za istraživanje i eksploataciju krečnjaka na ležištu „Pritoka“ Grad Bihać, zaključenog sa koncesorom – Ministarstvom privrede Unsko-sanskog kantona dana 08.08.2016. godine, u Bihaću.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva USK, u skladu sa članom 139. stav (2) tačka 1. i 2. Zakona o vodama.
3. Rješenje o vodnoj dozvoli se donosi na osnovu pregleda dokumentacije kojom raspolaže podnosilac zahtjeva, izvršenog uviđaja na površinskom kopu-kamenolomu i pod slijedećim uslovima:
 - 3.1. Da korisnik, u toku važenja ovog Rješenja, realizira dostavljeni Detaljni dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine, odnosno da izvede radnje predviđene revidovanom investiciono-tehničkom dokumentacijom, Glavni projekat sakupljanja, tretmana i ispuštanja otpadnih voda i načina vodosnabdijevanja sa snimkom izvedenog stanja za kamenolom Pritoka, Grad Bihać; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-55-2659/24, dana 18.04.2024. godine, odnosno, potrebno je:
 - Izraditi taložnik ispred objekta radionice sa cjevovodima od linijske kanalice do separatora ulja i masti, do kraja augusta 2024. godine,
 - Izvršiti čišćenje postojećeg kanala uz prilazni put te izraditi AB trokomorni taložnik za tretman tehnoloških zamuljenih otpadnih voda sa odvodnim cjevovodom, monitoring oknom i ispustom u obližnji kanal, do kraja 2024. godine,
 - Izraditi betonske kanale sa metalnim rešetkama i revizionim oknima na dionicama 4 i 5, za prikupljanje tehnoloških zamuljenih otpadnih voda do kraja maja 2025. godine,
 - Izraditi zaštitni nasip od kamenog materijala na radnom putu od platoa E-290 do platoa E-298 (u dužini 108,1 metra) te izraditi otvoreni betonski kanal (dionica 3) za prikupljanje tehnoloških zamuljenih otpadnih voda do kraja septembra 2025. godine,
 - Izraditi betonski kanal sa metalnim rešetkama (dionica 2) na platou E-298 (uz objekt uprave) za prikupljanje tehnoloških zamuljenih otpadnih voda, do kraja 2025. godine,

- Izraditi zaštitni nasip od kamenog materijala na radnom putu od platoa E-298 ka E-340 (u dužini 169,35 metara) te izraditi otvoreni betonski kanal (dinoca 1) za prikupljanje tehnoloških zamuljenih otpadnih voda do kraja juna 2026. godine.
- 3.2. Skladištiti ulja i maziva u natkrivenom prostoru ili izgraditi namjenski objekt za skladištenje i pretakanje ulja i maziva te izvesti AB tankvanu od vodonepropusnog betona otpornog na dejstva hemikalija.
- 3.3. Odabarnim sistemom tretmana otpadnih tehnoloških voda se mora obezbjediti da granične vrijednosti parametara efluenta budu u granicama vrijednosti datih u maksimalno dopuštenim granicama definisanim u Prilogu 27. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20, 96/20, 1/24).
- 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru a prije ispusta u prijemnik, predvidi izgradnja okna za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
- 3.5. U toku izvođenja radova kao i same eksploatacije opasni materijal i otpad se ne smije ni privremeno odlagati na česticu «vodno dobro», odnosno u vodotok i na njegove obale.
- 3.6. Otpadno ulje (rabljeno ulje), zauljeni otpadni materijal (filteri, krpe, pucvale i slično), ulje iz separatora te talog iz taložnika, potrebno je prikupljati u zasebnu ambalažu, u skladu sa propisima iz oblasti zaštite okoliša. Zbrinjavanje ovih otpada treba povjeriti firmi ovlaštenoj za zbrinjavanje opasnog otpada.
- 3.7. Metalne otpade potrebno je sakupiti u namjenske posude do odvoza od strane firme koja ovaj otpad koristi kao sirovinu.
- 3.8. Opasni materijal i otpad nastao pri izvođenju radova i eksploatacije mineralne sirovine ne smije se ni privremeno odlagati na česticu «vodno dobro», odnosno u vodotok i na njegove obale.
- 3.9. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 3.10. U toku važenja ovog Rješenja, korisnik predmetnog objekta je obavezan poduzeti sve potrebne mjere kako bi kvalitet oborinskih onečišćenih voda, a prije ispuštanja u recipijent, zadovoljio granične vrijednosti emisije definisane u članu 14. i 15. Uredbe o uslovima ispuštanja otpadnih voda u okoliš i sisteme javne kanalizacije.
- 3.11. Razmotriti mogućnost da se preliv iz separatora koji se odvodi u septik, izradom cijevnog voda uvede u kanal oborinske zmuljene vode, dionica 2, ili dionica 3, ovisno o mogućnosti priključenja vezano za visinski položaj kanala.
- 4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama („Službene novine Federacije BiH“, broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada („Službene novine Federacije BiH“, broj: 92/07, 46/09, 79/11, 88/12 i 03/16), Poglavlje V – Određivanje koeficijentata zagađivača voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
- 5. U periodu važenja ove dozvole, korisnik „ČIKI company“ d.o.o. Bihać je dužan provoditi sve mjere i aktivnosti propisane istom.
- 6. Korisnik predmetnog objekta je dužan, u skladu sa članom 26 a. stav (1) Uredbe o izmjenama i dopunama Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj: 1/24), na obrascu iz Priloga B Uredbe, izvještavati ovu Agenciju i Federalno ministarstvo okoliša i turizma o realizaciji planiranih aktivnosti u zadatim rokovima iz detaljnog dinamičkog plana, i to:
 - Prvi put nakasnije do 31.12.2024. godine,
 - Drugi put nakasnije do 30.06.2025. godine.

Na osnovu navedenih izvještaja, ova Agencija će, u skladu sa članom 26 a. stav (2) Uredbe, sačiniti sumarni izvještaj, na obrascu iz Priloga C Uredbe i dostaviti ga Federalnom ministarstvu okoliša i turizma te Federalnom ministarstvu poljoprivrede, vodoprivrede i šumarstva nakasnije, najkasnije 31.12.2024. godine.

- naprijed navedenih rokova, koji će biti javno dostupni na web stranicama navedenih ministarstava najkasnije u roku od 10 dana od dana prijema sumarnih izvještaja.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
 8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
 9. Ova vodna dozvola, shodno članu 26. stav (1) Uredbe o ispuštanju otpadnih voda u okoliš i sisteme javne kanalizacije („Službene novine Federacije BiH”, broj: 26/20, 96/20 i 1/24) se daje sa rokom važenja do 30.06.2026. godine.
 10. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na objektima predmetnog privrednog kompleksa obuhvaćenim ovom vodnom dozvolom, korisnik zaštitnih vodnih objekata nije odgovoran za nastale štete.
 11. Ovo rješenje o vodnoj dozvoli prestaje da važi ako korisnik predmetnog objekta ne ispuní uvjete iz tačke 3.1. ovog rješenja.
 12. Prije isteka važnosti ove dozvole, korisnik je dužan da podnese zahtjev za izdavanje nove vodne dozvole.
 13. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
 14. Uvjet za izdavanje novog vodnog akta je ispunjenje uvjeta navedenih tačkom 3. ovog rješenja i ukoliko isti ne budu ispunjeni neće se moći izdati novi vodni akt, a u skladu sa odredbama Zakona o vodama i Uredbe o izmjeni i dopuni uredbe o uslovima ispuštanja otpadnih voda u okoliš i sisteme javne kanalizacije.

Obrazloženje

Pravno lice „ČIKI company“ d.o.o. Bihać, obratilo se ovoj Agenciji dana 18.9.2023. godine zahtjevom za izdavanje vodne dozvole za kamenolom „Pritoka“, na zemljištu označenom kao k.č. br. 663, 111, 1891, 1287 i 676 K.O. Pritoka, Grad Bihać, a čije su granice eksploatacionog polja odobrene Rješenjem Ministarstva privrede Unsko-sanskog kantona, a na kojem se vrši eksploatacija industrijske mineralne sirovine krečnjaka. U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Nalog za plaćanje upravne pristojbe,
- Rješenje o izmjenama podataka; izdano od strane Općinskog suda u Bihaću pod brojem 017-0-Reg-21-000484, dana 3.8.2021. godine (ovjerena kopija),
- Uvjerjenje o poreznoj registraciji, izdano dana 25.12.2015. godine, od strane Federalnog ministarstva financija - finansija, Porezne uprave Federacije BiH – Kantonalni porezni ured BIHAĆ (ovjerena kopija),
- Uvjerjenje o registraciji/upisu u Jedinstveni registar obveznika indirektnih poreza, izdano od strane Uprave za indirektno-neizravno oporezivanje Bosne i Hercegovine, broj 04/1-17-1-UPJR/1-4919-3/16, dana 02.09.2016. godine, u Banjaluci (ovjerena kopija),
- Popratni akt o dopuni podneska zahtjeva od 20.09.2023. godine,
- Rješenje, kojim se odobrava prenos za eksploataciju krečnjaka na eksploatacionom polju „PRITOKA“ kod Bihaća, sa privrednog društva „IKIĆ-COMERC“ d.o.o. Bihać na privredno društvo „ČIKI company“ d.o.o. Bihać, koje je donešeno od strane Federalnog ministarstva energije, rudarstva i industrije Mostar rješenjem Up/I broj: 06-18-47/07 dana 23.04.2007. godine, i rješenjem Ministarstva privrede Unsko-sanskog kantona broj: 06-18-13217-UP-1/12 dana 24.09.2012. godine, na osnovu Ugovora ovjerenog kod Notara broj: OPU-OV: 148/2016 od 26.02.2016. godine; izdano od strane Ministarstva privrede Unsko-sanskog kantona broj: 06-18-1941-UP-1/2016, dana 09.03.2016. godine (kopija),
- Rješenje, kojim se privrednom društvu „IKIĆ COMERC“ d.o.o. Bihać, Plješevička 125, odobrava površinska eksploatacija industrijske mineralne sirovine krečnjaka unutar granica eksploatacionog polja „Pritoka“ na području općine Bihać; izdano od strane Federalnog ministarstva energije, rudarstva i industrije, Up/I broj: 06-18-47/07, dana 23.04.2007. godine, u Mostaru (ovjerena kopija),
- Rješenje, kojim se mijenja pravosnažno Rješenje Federalnog ministarstva energije, rudarstva i industrije Mostar Up/I broj: 06-18-47/07 od 23.04.2007. godine, a u dijelu dispozitiva datog pod tačkom 2., i 3., tako da glasi:
2. eksploataciono polje „Pritoka“ ucrtno je na situacionoj karti terena mjerila 1:1000 čije su prelomne tačke označene na karti velikim slovima i definirane koordinatama po (Y,X) i to: tačka A: Y 5 574 350, X 4 961 920, tačka B: Y 5 574 480, X 4 962 050, tačka C: Y 5 574 665, X 4 961 925, tačka D: Y 5 574 835, X 4 961 635, tačka E: Y 5 574 810, X 4 961 590, tačka F: Y 5 574 655, X 4 961 660 i tačka G: Y 5 574 400, X 4 961 815. Površina eksploatacionog polja „Pritoka“ je 9,97 hektar i upisat će se u katastar eksploatacionih polja koji se vodi u Ministarstvu privrede Unsko-sanskog kantona. 3. Situaciona karta eksploatacionog polja „Pritoka“ u mjerilu 1:1000 ovjerena prilaže se uz ovo Rješenje i čini njegov

- sastavni dio.; izdano od strane Ministarstva privrede Unsko-sanskog kantona pod brojem 06-18-13217-UP-1/12, dana 24.09.2012. godine, u Bihaću (ovjerena kopija),
- Rješenje, kojim se privrednom društvu „Ikić comerc“ d.o.o. Bihać odobrava izvođenje radova po Glavnom rudarskom projektu eksploatacije krečnjaka na površinskom kopu „Pritoka“ kod Bihaća; izdano od strane Federalnog ministarstva energije, rudarstva i industrije pod brojem 06-18-288/07, dana 19.11.2007. godine, u Mostaru (ovjerena kopija),
 - Rješenje, kojim se daje urbanistička saglasnost investitoru Ikić Comerc d.o.o. iz Bihaća, sa sjedištem u Ul. Plješevića 125, za površinsku eksploataciju mineralne sirovine krečnjaka i postavljanje mobilne separacije i pomoćnih objekata (nadstrešnica, platoi, septička jama, kontejneri), privremenog karaktera, na lokalitetu P.K. Pritoka, područje općine Bihać, na površini okunturenoj prelomnim tačkama A, B, C, D, E i F, i koordinatama y i x, ukupne površine od 20,5 ha; izdano od strane Federalnog ministarstva prostornog uređenja pod brojem UPI/03-4-23-2-95/06, dana 30.01.2007. godine, u Sarajevu (ovjerena kopija),
 - Rješenje, kojim se privrednom društvu „IKIĆ-COMERC“ d.o.o. Bihać, odobrava upotreba izgrađenih rudarskih objekata, postrojenja i uređaja na površinskom kopu krečnjaka „PRITOKA“; izdano od strane Ministarstva privrede Unsko-sanskog kantona pod brojem 06-18-3685-UP-1/2013, dana 09.10.2013. godine, u Bihaću (ovjerena kopija),
 - Ugovor o prenosu Ugovora o koncesiji BROJ KU 053/2015 za istraživanje i eksploataciju krečnjaka na ležištu „PRITOKA“ Grad Bihać, zaključen između novog koncesionara – CIKI company d.o.o. Bihać pod brojem 17/2016, starog koncesionara IKIĆ – COMERC d.o.o. Bihać pod brojem 165/16 i koncesora – Ministarstva privrede Unsko-sanskog kantona pod brojem 06-18-9904-1/2016, dana 08.08.2016. godine, u Bihaću (ovjerena kopija),
 - Rješenje, kojim se daje vodoprivredna saglasnost investitoru d.o.o. „IKIĆ COMERC“ iz Bihaća za eksploataciju industrijske mineralne sirovine – krečnjaka na lokalitetu „Pritoka“ kod Bihaća, izdano od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08/1-25-10890-UP-1/05, dana 19.09.2005. godine, u Bihaću (ovjerena kopija),
 - Rješenje o vodnoj dozvoli, izdano od strane Agencije za vodno područje rijeke Save pod brojem UP-I/25-3-40-133-16/19, dana 30.09.2019. godine (ovjerena kopija) sa kaluzulom pravosnažnosti od 21.10.2019. godine te popratnim aktom, broj: UP-I/25-3-40-133-16-1/19 od 10.04.2019. godine,
 - Glavni projekat vanjskih hidroinstalacija za objekat eksploatacija krečnjaka na PK-kamenolomu „Pritoka“ općina Bihać; urađen od strane Preduzeća za inženjering, građevinarstvo, trgovinu i usluge „IBIS“ d.o.o. Zavidovići pod brojem: 29-IB-GL-K/11, oktobra 2011. godine, u Zavidovićima (na uvid),
 - Izvještaj o reviziji Glavnog projekta vanjskih hidroinstalacija za objekat eksploatacije krečnjaka na PK-kamenolomu „PRITOKA“ općina Bihać; urađen od strane „Euroing“ d.o.o. Bihać pod brojem: REV 05-04/19, aprila 2019. godine, u Bihaću (na uvid),
 - Dinamički plan sa finansijskom procjenom ulaganja, broj: DP-002-29-IB-GL-K/11, urađen od strane pravnog lica s ovlaštenjem, Euroing d.o.o. Bihać, septembra 2019. godine, u Bihaću (na uvid),
 - Službena zabilješka o povratu projektne dokumentacije od 3.1.2024. godine,
 - Zahtjev za produženjem roka za dopunu podneska zahtjeva, broj: 12/24 od 18.03.2024. godine,
 - Popratni akt o dopuni podneska zahtjeva, broj: 18/24 od 27.04.2024. godine,
 - Glavni projekat sakupljanja, tretmana i ispuštanja otpadnih voda i načina vodosnabdijevanja sa snimkom izvedenog stanja za kamenolom Pritoka, Grad Bihać; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-55-2659/24, dana 18.04.2024. godine,
 - Revizija Glavnog projekta sakupljanja, tretmana i ispuštanja otpadnih voda i načina vodosnabdijevanja sa snimkom izvedenog stanja za kamenolom Pritoka, Grad Bihać; urađena od strane ovlaštenog pravnog lica EUROING d.o.o. Bihać pod brojem REV 08-05/24, maja 2024. godine, u Bihaću,
 - Detaljni dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine.

Nakon pregleda dostavljene dokumentacije, u skladu sa članom 12. stav 5. i 6. Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj: 31/15, 55/19, 41/20 i 63/22), izvršen je pregled lokaliteta kamenoloma „Pritoka“, koji se koristi od strane pravnog lica „CIKI company“ d.o.o. Bihać, i tom prilikom sačinjen zapisnik o uviđaju, broj: UP-1/21-3-40-409-2/23 od 11.10.2023. godine, pri čemu je utvrđeno:

Predmetni kamenolom "Pritoka" je lociran u naselju Pritoka, Grad Bihać.

Eksploataciono polje je površine 2,88 ha ograničeno prelomnim tačkama označenim kao: A, B, C, D, E, F i G, koje su definisane koordinatama (x,y):

Prelomne tačke	koordinate	
	X	Y

A	5 574 350	4 961 920
B	5 574 480	4 962 050
C	5 574 665	4 961 925
D	5 574 835	4 961 635
E	5 574 810	4 961 590
F	5 574 655	4 961 660
G	5 574 400	4 961 815

kako je definisano gore navedenim Rješenjem, kojim se odobrava prenos odobrenja za eksploataciju krečnjaka na eksploatacionom polju „Pritoka“ kod Bihaća, sa privrednog društva „IKIĆ-COMERC“ d.o.o. Bihać na privredno društvo „ČIKI company“ d.o.o. Bihać, koje je donešeno od strane Federalnog ministarstva energije, rudarstva i industrije rješenjem 06-18-47/07 od 23.04.2007. godine, i rješenjem Ministarstva privrede Unsko-sanskog kantona broj: 06-18-13217-UP-1/12 od 24.09.2012. godine, na osnovu Ugovora ovjerenog kod notara broj: OPU-OV:148/2016 od 26.02.2016. godine, izdanim od strane Ministarstva privrede Unsko-sanskog kantona pod brojem 06-18-1941-UP-1/2016, dana 09.03.2016. godine, u Bihaću te Ugovorom o prenosu Ugovora o koncesiji br. KU 053/2015 za istraživanje i eksploataciju krečnjaka na ležištu „Pritoka“ Grad Bihać, zaključenim sa koncesorom – Ministarstvom privrede Unsko-sanskog kantona, dana 08.08.2016. godine, u Bihaću, pod brojem 06-18-9904-1/2016.

U obrazloženju Rješenja Federalnog ministarstva energije, rudarstva i industrije Up/I broj: 06-18-47/07 od 23.04.2007. godine, se navodi da je Rješenjem Federalnog ministarstva prostornog uređenja broj: UP/03-4-23-2-95/06 od 30.01.2007. godine kojim je privrednom društvu „IKIĆ COMERC“ d.o.o. Bihać, data urbanistička saglasnost za eksploataciju mineralne sirovine kamena krečnjaka u okviru istražnog prostora, na lokalitetu „Pritoka“, u šumi i na šumskom zemljištu na k.č. 111 (stari operat 231/1) k.o. Pritoka, Općina Bihać. Također se navodi da je ležište krečnjaka „Pritoka“ otvoreno i da je vršena eksploatacija. Da se predmetni lokalitet „Pritoka“ prema aktu, Izvod iz spiska parcela k.o. Pritoka, po starom katastarskom operatu, Službe imovinsko-pravnih poslova i katastra nekretnina općine Bihać, broj 04/2-30-0526/07, od 22.02.2007. godine, vodi kao državni erar, a da se u kopiji katastarskog plana kao posjednik vodi JP „Unsko-sanske šume“ Bosanska Krupa. Da su ŠPD „Unsko-sanske šume“ d.o.o. Bosanska Krupa, aktom broj 01-963-3/07 od 09.04.2007. godine, dale suglasnost privrednom društvu „IKIĆ COMERC“ d.o.o. Bihać za pribavljanje odobrenja za eksploataciju mineralne sirovine krečnjaka na već postojećim eksploatacionim površinama kao i saglasnost za proširenje eksploatacionog polja na dijelove odjela 57 G.J. „Risovac-Bihać“.

Na predmetnom lokalitetu, u vrijeme izvršenja uviđaja su vršeni radovi na eksploataciji mineralne sirovine na dvije radne etaže, a vrši se skidanje otkrivke na trećoj radnoj etaži. Na prostoru predmetnog kamenoloma nije izvršen priključak na javni gradski vodovodni sistem. U naselju Pritoka nije izgrađen kanalizacioni sistem. Oborinske vode sa internih saobraćajnih i parkirnih površina, radnih površina kopa te skladišnih površina gotovih proizvoda, a koje mogu da sadrže produkte naftnih derivata sa radnih mašina i vozila u prometu internog saobraćaja, kao i suspendirane materije sa radnih mašina i gotovih proizvoda se najvećim dijelom zadržavaju unutar istražnog polja te infiltriraju u podzemlje, a dijelom se slijevaju u otvoreni cestovni kanal nekategorisanog prilaznog makadamskog puta. Nisu izvedeni svi radovi traženi prethodno izdanim vodnim aktom, čija je izvedba bila definirana priloženim dinamičkim planom sa finansijskom procjenom ulaganja. Izveden je plato za popravak radnih mašina i tankovanje goriva unutar natkrivenog objekta, izveden sistem za prikupljanje oborinskih voda sa istog te ugrađen separator ulja i masti. Umjesto predviđenih kontejnera izvedeni su čvrsti objekti sa upravnim i sanitarnim prostorijama, skladište rezervnih dijelova, garderobe, kuhinja i trpezarija za ishranu radnika i drugih sadržaja. Korisnik predmetnog kamenoloma je dijelom odstupio od odobrene projektne dokumentacije, tako da ista ne odgovara izvedenom stanju na terenu.

Zbog svega navedenog je urađen projekt izvedenog stanja te sistem za prikupljanje, tretman i ispuštanje otpadnih voda prilagođen izvedenom stanju na terenu. Istim je predviđeno da se preliv iz separatora ulja i masti uvodi u septik, što nije dobro rješenje sa aspekta čestog pražnjenja i stvaranja nepotrebnih troškova usluga crpljenja i odvoza sadržaja septičke jame, ali je projektom prihvaćeno. Isto nije pogrešno, ali je neučinkovito jer skraćuje interval između pražnjenja septika te se istim miješaju prečišćene zauljene vode sa sanitarnim otpadnim vodama. Navedeno je lako rješivo na način da se prečišćene zauljene vode, nakon tretmana na separatoru ulja i masti, izradom cijevnog voda ispuštaju u kanal oborinske zamuljene vode, dionica 2, ili dionica 3, ovisno o mogućnosti priključenja vezano za visinski položaj kanala.

U prethodno provedenom postupku priložene su saglasnosti za prenos koncesije od strane Vlade Unsko-sanskog kantona, rješenje Komisije za koncesiju Bihać, odluka o davanju saglasnosti Gradskog vijeća Grada Bihaća, mišljenje o prenosu ugovora o koncesiji Kantonalnog pravobranilaštva Bihać te ugovor o kupoprodaji prava i obaveza sa prethodnim koncesionarom.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, predlaže se:

dispozitivu rješenja, propisani uslovi pod kojima je izdano ovo rješenje i koji se trebaju ispoštovati u toku važenja istog. Na osnovu provedenog postupka i utvrđenog činjeničnog stanja, doneseno je rješenje kao u dispozitivu ovog rješenja.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH“, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Ahmet Smajlović, dipl. inž. arh.

Prilog:

- Glavni projekat sakupljanja, tretmana i ispuštanja otpadnih voda i načina vodosnabdijevanja sa snimkom izvedenog stanja za kamenolom Pritoka, Grad Bihać; urađen od strane Instituta za kvalitet, standardizaciju i ekologiju TQM d.o.o. Lukavac pod brojem 10-55-2659/24, dana 18.04.2024. godine,
- Revizija Glavnog projekta sakupljanja, tretmana i ispuštanja otpadnih voda i načina vodosnabdijevanja sa snimkom izvedenog stanja za kamenolom Pritoka, Grad Bihać; urađena od strane ovlaštenog pravnog lica EUROING d.o.o. Bihać pod brojem REV 08-05/24, maja 2024. godine, u Bihaću,
- Detaljan dinamički plan po godinama sa aktivnostima, finansijskom procjenom i rokovima za izgradnju i puštanje u rad sistema za prikupljanje, tretman i ispuštanje tehnoloških otpadnih voda, a najkasnije do 30.06.2026. godine.

Po ovlaštenju

Rukovodilac sektora za izdavanje vodnih akata



Haris Ališehović
Haris Ališehović, dipl. inž. građ.

Dostaviti:

- „ČIKI company“ d.o.o. Bihać, Pritoka bb, 77 000 Bihać (sa prilogom)
- ⊕ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča - AVP Sava